



SPARÁNACHT RÉIGIÚNACH IONAD TYRONE GUTHRIE TREOIRLÍNTE



Comhairle Cathrach na Gaillimhe
Galway City Council

Clár na nÁbhar

Réamhrá	3
Céard iad aidhmeanna agus cuspóirí na sparánachta?	3
Cé atá incháilithe chun an Sparánacht a fháil?	3
Critéir	4
Measúnú	4
D'iarratas a Chomhlánú	5
D'iarratas a Dhéanamh	5
Coinníollacha d'Iarrthóirí Rathúla	5
Saoráil Faisnéise	6
Cosaint Sonraí	6
Fiosrúcháin	6

Réamhrá

Spriocdháta Iarratais 20.04.23

Tairgeann breis is 27 údarás áitiúil ar fud Oileán na hÉireann sparánachtaí a chuireann ar chumas ealaíontóirí coicís a chaitheamh in Ionad Tyrone Guthrie. Clúdaíonn gach sparánacht costas bia agus lóistín, agus is féidir stiúideo a úsáid más gá freisin. Cúis áthais d'Oifig Ealaíon Chomhairle Cathrach na Gaillimhe an deis seo a thairiscint do bheirt ealaíontóirí a bhfuil cónaí orthu i gCathair na Gaillimhe. Tá tuilleadh eolais maidir le hIonad Tyrone Guthrie le fáil ag www.tyroneguthrie.ie

Céard iad aidhmeanna agus cuspóirí na sparánachta?

- (i) Tacú le raon éagsúil ealaíontóirí am agus spás ar ardchaighdeán a rochtain ionas gur féidir leo infheistiú ina gcleachtais phearsanta, ghairmiúla agus ealaíne.
- (ii) Tacú le healaíontóirí a gcuid oibre a roinnt leis na pobail a bhfuil siad páirteach iontu, trí thaispeántais, taibhithe, léamha agus torthaí poiblí eile.
- (iii) Cur le comhpháirtíochtaí Ionad Tyrone Guthrie le húdaráis áitiúla agus feidhmiú mar chomhpháirtíocht shuntasach trasteorann idir Tuaisceart Éireann agus Poblacht na hÉireann.

Cé atá incháilithe chun an Sparánacht a fháil?

- (i) Cleachtóirí Cruthaitheacha Aonair atá ag obair sna disciplíní seo a leanas:

Ailtireacht	Ealaín Fuaime
Ealaíona Pobail	Amharclann
Sorcas	Na hEalaíona Traidisiúnta
Na healaíona digiteacha	Ildisciplíneach
Damhsa	Ceol
Féile	Ceoldráma
Scannán & Físeán	Amharc-ealaín
Litríocht	

- (i) Tá cead ag daoine a bhfuil cónaí orthu i limistéar riaracháin Chomhairle Cathrach na Gaillimhe cur isteach ar an sparánacht seo. Má tá cónaí ort i gContae na Gaillimhe,

tá scéimeanna cosúla á reáchtáil ag Oifig Ealaíon Chomhairle Cathrach na Gaillimhe a bhfuil tú incháilithe iarratas a dhéanamh orthu.

- (ii) Iarrthóirí atá níos sine ná 21 bhliain d'aois.

Critéir

A	Caighdeán agus Uaillmhian Ealaíne - Caighdeán do chuid oibre agus do mhodheolaíocht oibre - Fianaise go bhfuil tú ag obair ar thaispeántas, foilseachán nó taibhithe a mbeadh deis fanacht san Ionad ag tacú lena leithéid	25%
B	Samplaí de Chaighdeán Oibre agus Cúlra Ealaíne - Breithniú ar do chúlra agus dea-theist le fianaise sna healaíona - Fianaise ar ghnóthachtáil shuntasach i do rogha réimse nó an cumas dul chun cinn a dhéanamh	25%
C	Tionchar Féideartha ar Fhorbairt Ealaíne Duine Aonair - Cibé acu an mbeidh nó nach mbeidh tionchar cuiditheach agus dearfach ag an obair seo ar do chleachtas/gairm ealaíne	25%
D	Indéantacht - Soiléire do thogra agus cad is mian leat a bhaint amach mar thoradh ar an méid ama a chaitheann tú in Ionad Tyrone Guthrie - Do chumas an obair seo a thabhairt chun críche go rathúil	25%

Measúnú

Breithneoidh Coiste Comhairleach Ealaíne, a bheidh ceaptha ag Comhairle Cathrach na Gaillimhe, gach iarratas. Déanfaidh an Coiste Comhairleach Ealaíne athbhreithniú ar d'iarratas agus bronnfar scór bunaithe ar cé chomh maith is a éiríonn leat na critéir thuasluaite a chomhlíonadh. Cuirfear na scóir seo le chéile agus bunófar liosta ord fiúntais. Ainneoin go mbeidh ról suntasach ag an liosta ord fiúntais sna cinntí maoinithe, ní hé seo an t-aon fhachtóir atá le cur san áireamh. Sa phróiseas Measúnaithe cuirfear san áireamh na meáin, na

cleachtais agus an poitéinseal atá ag gach iarrthóir forbairt ealaíne a dhéanamh. Chomh maith leis sin, taifeadfaidh an Coiste Comhairleach Ealaíne aiseolas maidir le gach iarratas a d'fhéadfadh iarrthóirí a lorg.

D'iarratas a Chomhlánú

- Ná déan dearmad go mbeidh roinnt daoine páirteach sa phróiseas cinnteoireachta agus cinntigh go bhfuil d'iarratas soiléir, beacht agus gan débhrí.
- Ná glac leis go bhfuil aithne ag an bpainéal roghnúcháin ort ná ar do chuid oibre – caith le gach iarratas amhail is gurb é an chéad iarratas atá déanta agat.
- Ná déan dearmad go ndéantar d'iarratas a mheas bunaithe ar an eolas a cuireadh ar fáil laistigh den chomhthéacs iomaíoch agus go bhfuil go leor iarratas eile á meas freisin.

Ní mór an méid seo a leanas a chur ar fáil le gach iarratas:

- Fianaise ar Sheoladh
- C.V. – ná téigh thar 2 leathanach
- Sampla de do chuid oibre a d'fhéadfaí a áireamh ina measc - íomhánna, téacs, cumadóireacht, fuaim agus/nó fíis.

D'iarratas a Dhéanamh

Eiseofar admháil fhoirmiúil maidir le d'iarratas le huimhir thagartha laistigh de choicís ón dáta a bhfaightear d'iarratas. Mura bhfaigheann tú an chumarsáid seo laistigh den fráma ama sin, is ortsa atá an fhreagracht teagmháil a dhéanamh leis an Oifig Ealaíon. Ní mór duit a chinntiú go bhfuil na doiciméid iarrtha ar fad ceangailte le d'fhoirm iarratais ar líne. Glacfar leis go bhfuil d'iarratas neamhbhailí mura ndéanann tú an méid seo a leanas:

- Seol foirm iarratais chomhlánaithe ar aghaidh
- Seol na doiciméid iarrtha ar fad le d'fhoirm iarratais (ní féidir glacadh le doiciméid bhreise i ndiaidh an spriocdháta)
- Seol d'iarratas ar aghaidh faoin 20.04, 2023.

Tabhair faoi deara –

Dícháileofar an t-iarrthóir mar thoradh ar stocaireacht. Déantar gach iarratas a mheas bunaithe ar an ábhar atá le fáil san iarratas. Ní rachaidh teagmháil a dhéantar roimh ré leis an oifig ealaíon sa chomhthéacs seo chun tairbhe d'iarratais.

Coinníollacha d'Iarrthóirí Rathúla

- Ní mór an chónaitheacht a reáchtáil in 2023
- Ní mór aitheantas a thabhairt do Chomhairle Cathrach na Gaillimhe ar gach ábhar poiblíochta, preasa agus margaíochta a chuirtear i dtoll a chéile i ndáil leis an gcónaitheacht agus ar aon torthaí ealaíne de réir ár dTreoirlínte Aitheantais, anseo.
- Má athraítear imeacht nó tionscadal, nó má chuirtear a leithéid ar athlá nó ar ceal – go hiomlán nó i bpáirt – ní mór teagmháil a dhéanamh leis an Oifig Ealaíon chun an cheist a phlé.
- Ní mór cuntas scríofa den eispéireas cónaitheachta, lena n-áirítear an tionchar a bhí aige ar chleachtas an ealaíontóra, a chur ar fáil don Oifig Ealaíon laistigh de choicís ón gcónaitheacht.

Saoráil Faisnéise

Tá fáilte romhat aiseolas a lorg maidir leis an gcúis nár éirigh le d'iarratas. Moltar a leithéid d'aiseolas a lorg de bhrí go mb'fhéidir go gcabhródh sé leat iarratais eile a fhorbairt do sparánachtaí eile amach anseo. Foilseofar sonraí na n-iarrthóirí a n-éiríonn leo ar ár suíomh gréasáin agus cainéil meán sóisialta.

Geallann Comhairle Cathrach na Gaillimhe aon fhaisnéis a chuireann iarrthóirí ar fáil faoi réir a cuid oibleagáidí faoin dlí a choimeád faoi rún, lena n-áirítear Acht um Shaoráil Faisnéise, 2014. Iarrtar ar iarrthóirí breithniú a dhéanamh ar cibé acu ar cheart nó nár cheart aon chuid den eolas a cuireadh ar fáil a nochtadh mar gheall ar chúrsaí íogaireachta. Má tá sé seo i gceist, ba cheart d'iarrthóirí, nuair a bhíonn faisnéis á cur ar fáil acu, an fhaisnéis sin a shainaithint agus na cúiseanna atá leis an íogaireacht a shonrú. Mura gcuirtear in iúl go bhfuil a leithéid d'fhaisnéis íogair agus i ndiaidh breithniú a dhéanamh, má chinneann Comhairle Cathrach na Gaillimhe nach bhfuil an fhaisnéis íogair, ansin d'fhéadfaí a leithéid d'fhaisnéis a chur ar fáil mar thoradh ar fhreagairt Saorála Faisnéise gan dul i gcomhairle leis na hiarrthóirí arís. Rachaidh Comhairle Cathrach na Gaillimhe i gcomhairle le haon iarrthóirí maidir le faisnéis íogair roimh chinneadh a dhéanamh maidir le haon iarratas a fhaightear faoin Acht um Shaoráil Faisnéise.

Cosaint Sonraí

Coimeádfar an fhaisnéis phearsanta ar fad a fhaightear de réir ár mBeartas Cosanta Sonraí.
Ar fáil, [anseo](#).

Fiosrúcháin

Seol r-phost chuig foireann na hOifige Ealaíon ag arts@galwaycity.ie má tá aon cheist agat agus scríobh “Fiosrúchán maidir le hIonad Tyrone Guthrie 2023” i líne an ábhair